

# OMUKWETU



Oshifo shOngerki onkwaevangeli paLuther yomOwambokavango/Die Tydskrif van die Evangeliese Lutherse Ovambokavango Kerk

No. 17

SEPTEMBER

1967

## JESUS TA GANDJA OMWENYO

Joh. 11: 21-45

MuBetania omwa kala ookuume kaJesus yatatu oyo Marta, Maria na-Lazarus onkelo yawo. Lazarus kwa adhika kuuvu nokwa si, noye mu fuvike. Ihe konima yomasiku gane, Jesus okwa zi kuGalilea a ka talelepo ookume ke yokuBetania shomuJudea. Marta sho a kundana Jesus, okwa yi eke mu tsakanekwe mu hokolelele shoka sha ningwa, kuume ke Lazarus a mana oondjenda. Jesus ta yamukula "Ongame eyumuko nomwenyo." Maakiintu mbaka yaali omwa li edhiladhilo limwe alike, omumwayina a ninge omwenyo ishewe, onkee ya fala Omuwa Jesus pombila yaLazarus. Jesus ta ligamene pombanda, ta indile oonkondo dhi mu ziilile puule, nokwa igidha "Lazarus za mo!" Lazarus nokwa zi mo mombila a ningi omunamwenyo kwi lyakuume ke omuholike. Oonkondo dheso nombila inadhi wa pa oku mu tindila aawe, odhe mu gandja mbala, okewi tuu lyepona lyaKalunga "Za mo."

Ngashingeyi otu li methimbo ndika tatu li ithana ethimbo lyehumokomeho. Ethimbo ndika ayihe otayi yi komeho, naambyoka iiwanawa naambyoka iiwinayi. Pethimbo ndika ooLazarus aanene naashona, otaa lala moombogo dhooombila dhawo. Osho wo megumbo lyoye, puushiinda woye nopomukunda gwaandjeni, nomoshilongo sheni, nomegongalo lyaandjeni, omu na oombila dhooLazarus. OoLazarus ye li

moombila dhiikolitha, taa kandula owala okapeta kaKosta, Kuka andola ontaku. Ye li moombila dholuhoko, taa dhenge owala elaka kaaye na ombudhi. Ye li moombila dholuhondelo, moombila dhuufuthi, taa ti otaa lili omukwaniilwa gwawo Mandume. Moombila dhiifundja, ngele ito fundju ito hupu. Ngoye mwene owa tseye ou li mombila yashike. Ayehe ya nika ongaLazarus gwomuBetania.

Ayehe mboka otaa pumbwa Jesus omuyumudhi. Ngoye omukriste osho to ti, oto ningi shike? Sho wa tala oombila dhookuume koye? Tala u tale Marta naMaria, oya fala Omuwa Jesus kombila yomumwayina. Jesus nokwa popi owala ohapu yimwe "Za mo." Lazarus nokwa ningi omunamwenyo.

Ngoye wo nena ndjika oto lombwelwa nowa lalekwa, u fale ookuume koye kuJesus, ngoka ta tululula omwenyo aalunde, nando naa kale ya tya ngiini. Nando na kale a nika ngiini, ota yumuka nolutu olu-yelele, ota shitululwa eta ningi omuntu omupe. "Ongame eyumuko nomwenyo." Osho ta ti, nangoye ngele wi idhimbulula ou li mombila nomoonkandja dheso, ila kuJesus oye note ku igidhile iitya mbika "Zamo" Nena oonkandja dheso, nombila otayi kwe-etha. Owe shi itaala?

Salomo Elago.

## OKWA YELIFA OMUNASHILUNDU

Oye okwa hangika komunashilundu, e mu indila a twa eengolo nde ta ti: Ove ngenge wa hala, oto dulu okunyatulula nge. Jesus okwe mu fila onghenda. Okwa nana eke laye ndele okwe mu kuma, nde a tya: Onda hala

yela! Oshilundu osha dja mo muye diva ndele oye okwa yela.

Omu kwetu omuholike, ofye naave otu na oudu we tu nyateka. Oudu ou oo oulunde ou wa nyateka eemwenyo detu. Tu indile kOmwenye tu tye: Omwene, tu nyatulula. Ye ota nyamukula diva: Onda hala, yela!

David Munghono.

## HEKULU YOMAPONGO, INA YOMAWILANDJILA



Oluhepo lovapofi otwe li shiiva. Oluhepo lavo inali fa loye. Kave wete ondjila ashike, ndelene ve noluhepo line nde tave ku teeleele u va kwafe. Natu va indilile yo, va mone shili ekwafolokolutu nolokomwenyo.

# OMUKWETU

SEPTEMBER 1967

## IINIMA YA INDJIPALA NGASHINGEYI

Ngashingeyi iinima yomOwambo nomuuyuni auhe oya indjipala noya lunduluka konkalo yonale. Omatungo omanene nomale ga indjipalithwa. Ondjila dha indjipala nodha nawepakwa. Uunongo wi li nowi ili wa indjipala shi vule nale. Oongeshefa dha indjipala nodha koko. Iiyenditho ya indjipala notayi landwa unene. Omizalo dhomaludhi dha tana nodha ningi ondilo notadhi lalakanenwa shi vule nale. Ohole yiimaliwa ya ningi onene. likunuwa yomaludhi ya vulu yonale, ihe:

Ondhinokalunga ya tana shi vule nale. Omalugodhi, ondumbo oya ningi onenenene. Esilohenda kali po. Efundja lyuuwinayi lya gwayele iilando naantu taa matuka taa dhiingoloka ongokugulu kwetemba taku dhiingoloka. Ombepo ya ningi oshipilili. Omuwa Jesus nge te ya, ota adha tuu u neitaalo? Nenge ota adha wa kotha?

### OMBILI KAALESHI

Eopaleko lyepuko lya holoka moshifo shOmukwetu No 16; kepandja 2, moshipopowa sha M. Ngipandulua, "Oombapila oompe dhokutumitha ongallo," okapalanyolo ka hugunina ka kale ngeyi: "Omayooloko ge li po, pehala lyesiku nenge lyegongalo, egongalo otali nyola po esiku ongallo ya umbwa, manga oshitayingerki tashi nyola po edhina lyegongalo."

M. Ngipandulua.

### ISRAEL OKWA ULIKILA OVANHU

Omushamane Ben Schoeman, oministeli yoinima yeebraha muSuid-Afrika, okwa popya muJohannesburg kutya: Mefimbo loita yomafiku manini. Israel okwa ulikila oonyuni kutya, okalongo nande okanini, otashi duli-ka taka denge nokutaataa ovanaita nako, nande ovanene ile ve neenghono ve ka dule. Otake shi dulu ngengetaka lu nomukumo neendunge noupe-nda wako vene. Okwa wedako kutya, omadu ovalaule shijimba okwe lihoŋga oshilongwa moita oyo.

## OSHIWILO SHANAILENGE

Omufitaongalo omushamane Paulus Nailenge a dana oshivilo shinene eshi a wanifa omido 80 mokukala kwaye mounyuni. Eedula 50 moukriste needula 30 moufitaongalo.

Oshivilo sha hovelifwa nelongelo-Kalunga mongerki. Ovafitaongalo Adolf Hangula naKornelius Djoba va ninga elongelokalunga moalitali. Omufitaongalo Paulus Nailenge audifa mukulesha Ps.90:1-10 omo a holola ekwafo laKalunga eshi e mu kwafa nokwe mu xupifa mokati koiponga nokomalundilo mahapu, osheshi Kalunga a hala oku mu longifa moshilonga shokulifa eedi daye.

Omushamane Abraham Nakamhela ou atekulwa ku P.Nailenge a li po odjapo yokuhokolola outeku waPaulus Nailenge nhumbi wa ifana ovanhu va ninge ovakriste. Okwa hokolola yo oukwatya muwa waPaulus Nailenge, a lesa Luk.14:25-26.

Omulongi Silvanus Vatuva a kunda omufitaongalo Paulus Nailenge ponhele yovalongi e mu pandulila oudiinini waye nelongelokumwe novalongi vomeongalo laye, a lesa Ps.146:1,2,5.

Omupashukilishitaingerki omushamane I.Nhinda a lesa ehokololo tali hokolola edikoleongalo lomOngenga okudja modula 1920 omo ofikola ya dikwa mOngenga fiyo modula 1937 omufitaongalo okwa hepaulula eku-



Tatekulu Paulus Nailenge

### Oveta ipe molwoipupulu

Omushamane Vorster waSuid-Afrika, okwa popya kutya, ope nokutotwa oveta ipe, tai pangula oipupulu oyo tai monika ya holoka moifo yomoshilongo.

lo leongalo fiyo komudo 1967. Ovakriste vomOngenga ve li po ve fike 7,000. Eefikola da hapupala mOngenga. Osho ngaha omupashukilishitaingerki a halela Paulus Nailenge enangekonoupuna.

Omukulunhutumwa omushamane Arvo Eirola a kundu omushamane Paulus Nailenge nokwa holola oivilo itatu ongerki tai i dana neudo.

1) Oshivilo sheedula 450 okudja keyelifo leitavelo eshi omushamane Martin Luther a nyola omatomhelo 95.

2) Ongongahangano ya wanifa eedula 20 omo ongerki yetu i li oshinhibu, nokupandula ongongahangano osheshi yetu kwafa notai ka kwafa nantango ongerki yetu.

3) Ongerki yOwambokavango ya wanifa eedula 10 meipangelo nokwa hokolola ekulo longerki fiyo oko dula 1966 oinhimbu yongerki oifike 165,000. Omaongalo 41 novafitaongalo 84. Okwa lesa Hebr. 3:1 nokwa kunda Paulus Nailenge medina lovatumwa ovo inava fikako kOngenga.

Omufitaongalo Vilho Kaulinge ahokolola Paulus Nailenge okudja kondjiva okwa ti: Paulus Nailenge oye, omuyanganhu, elenga, ondjai, oxe naina yeongalo oye yo ongudi mongerki yetu.

Omushamane Toivo Pentikainen a eta ekundo okuhokolola oudiinini waPaulus Nailenge mokukondjela eongalo laNgenga a lesa Joh.15:16 na 1Kor. 3:5

Omushamane G.Nghihulifua a hambelela Kalunga nokwa lesa Ps.103:1,2.

Pa li yo okafudo nokonima yokafudo, omushamane Arvo Eirola a yeululila oshipangelo shipe oilonga yasho a lesa Mark. 16:15. okwa tonga oshilonga shetumo osho okuudifa nokuhakula ovanau. Omolwaashi oipangelo tai hapupala mongerki naapa yo mOngenga.

Omufitaongalo Paulus Nailenge a hepaulula paxupi etungo loshipangelo.

Eongalo alishe ola li la ongala novaenda va dja keembinga neembinga nokOushimba atushe otwa pewa oikulya inyenye iwa twa kuta unene. Osho twa shuna komaumbo, ndele itatu dimbwa oshivilo shinya.

Ohatu halele omufitaongalo Paulus nameme Rakel neumbo alishe lavo li nangekwe noupuna fiyo hatu ka dana vali oshivilo shaalushe moukwaa-lushe.

Paulus Andreas.

## "NINGA JESUS OHAMBA"

Olo la li ehuku loshiongalele shElinyengo IOvalihongi Ovakriste (Student's Christian Movement) muNgoya, Natal. Osha nyolwa neendada dakula dilaula melapi litoka la tulikwa komesho mongulu yoshiongalele: "Make Jesus King," nosha nyolwa yo mOshilatina mombadi yavo have i djala ponhulo: "FAC JESUM REGEM."

Omalongekido aeshe okwe litungila kehuku eli: Tashi ti: Eetundi. bibeli adishe noiningwanima ikwao ya tulwa meshikulafano loshiongalele, otai lalakanene ovanyasha va tambule Jesus Omukulili wavo. Osho yo ovo ve mu na nale ve mu longela noku mu fimanekifa meefikola, momaumbo nomoshiwana shavo, fiyo vakwao yo va tambula epangelo liwa laJesus.

Eefikola dinya domuRepublika odi na ovahongwa veengerki dihapu di li mounyuni, onghee moshiongalele shinya omwa li ovalihongi novawiliki vavo vomeengerki dinya. Ovaningi vee-tundimbibeli yo osho ve li: umwe pamwe omukwaLuther, mukwao Omwaanglikani ile Omumetodiste nosho

tuu. Oshikumwifa shinene osheshi avesho ve nelaka limwe alike kufye atusho. Aveshe ova pa onghama kotekisti ei: Hebr.1:1-4.

Keshe umwe oha kongo eeverse dihapu mOmbibeli odo te di longifa motundi yaye, ndele adishe otadi holo-la ashike; Kalunga pefimbo letu ta popi mOmona Jesus. Otundi keshe oya longikidwa molupe talu shi li ovanyasha nomunhu keshe okuyeulula omwenyo nokutambula ondaka yaKalunga tai mu dile mEvangeli.

Ovandohotola mElongo IOukalunga, mokukala yo nale meefikola dokombada, ova shiiva nawa omhumbwe yomulihongi. Ovalihongi ohava kondekwa koinima ihapu, neendunge davo da xuma komesho ohadi va fikamene da hala di ninge ohamba yavo ponhele yaJesus. Kalunga okwa longifa ovamati vaye neendjovo daye ke-wiliko IOmhopo Iyapuki, nokwa kwafa shili ovanyasha venya.

Otundimbibeli keshe oya kondekwa keilikano nohaku shikula eenghunda-fana domoungudu vanini, omo

omuningi wotundi a yandja omahovelifo amwe eenghundafana. Pefimbo limwe omuningi wotundimbibeli ta fikamekwa komesho kovawiliki, opo a nyamukule ou ta pula sha koshipopipiwa shaye. Osho ngaha omapulo ovanandunge va hepa taa nyamukulwa komunandunge oshipuna. Mee-nghundafana edi, nodomouwike yo, ovalihongi novawiliki vavo tava nyanene eemwenyo davo noku di pupulila peemhadi daJesus, Ye e di yadife ombili yaye oyo have i kanifa luhapu melihongo lavo.

Oshipopiwa keshe osha hovelwa nosha xulifwa neimbilo le shi fa, hano tali popi naanaa ngaashi oshipopiwa sha tya. Omaimbilo okwa longikidwa nale nokwa ongelwa mokambo kamwe oko omunhu keshe e ke li landela pehovelu loshiongalele. Opa li yo ovadeuli vomaimbilo oo inaa shiivika manga. Ovanhu venya ova deuka nawa mokwiimba. Unene eshi eemwenyo da mona ombili netalaleko, omaimbilo otaa kunguluka ashike nokweeta omapuniko mahapu noukumwe moshiongalele.


Opo tu udeko ondaka yaKalunga ta popi mOmona, otwa kumaidwa tu diinine okulesha nokulihonga eendjovo daye, nokwiilikana. Inashi popiwa ashike mokanya, ndelene opa li eenduba neenduba domambo noumbo ve lili nove lili mekwatafano nOmbibeli, ovo ve li landelwa yo komukwashiongalele keshe pahoololo laye mwe-ne. Motundimbibeli imwe omolwomambo aa omwa li yo omatumbulo aa hai xulifa nao:-

"Oshilalakanenwa shomambo osho ngaho okupendula ohokwe movanhu yokulesha Ombibeli. Otaa kwafa yo ovanhu okuudako eendjovo daKalunga. Vahapu otava lesa ngaashi elenga lokwEthiopia nova pumbwa ekwafo ngaashi Filippus a longifwa kOmhepo Iyapuki oku mu fatululila noku mu twala kuJesus." Iil.8:26-40. (Oyo ya li otekisti yaye).

Eendjovo daKalunga otadi longo neenghono dado nokulinyengifa omwenyo womunhu. Kalunga mwene okwa ti: "Otandi longo osho nde shi tumina." Jesus ta ti: Itamu u nande kamwe inaka wanifwa," (Mat.5:18) "Ove na Mose novaprofeti; nave ya ude:" (Luk.16:29). Omupsalmi ta ti: Ps.119:9,105. Onghee hano neendjovo daKalunga oto twala vakweni kuJesus ngaashi Filippus: Iil.8:35." (Rev. Viljoen)

Okwa li sha oko vakwetu!  
Liina Mpanda.

## ONKUNDANA YOKOKASHANA



Omwevangeliste A. lihua, Onankali, ota nyola ngeyi: Aakwiita aakwetu, otatu pumbiweni popepi nokokule hamuJerusalem amuke. Taleni, ope na oombinga dhimwe itaadhi uvithilwa nande nawa evangeli. Otandi tumbula dhimwe.

Okamba yokokashana. Okwa gongala ngashingeyi aantu oye-ndjiyendji. Oyendji oyo iilyo yongerki yetu. Oye li moluhepo luthike puwindji wawo. Otaa pumbwa omuuvithi. Ngame ohandi ya talelepo olupita. Onda mono ompumpwe yawo. Oku na aakriste yamwe inaa kolekwa noya hala, ihe oya nyengwa. Omolwashike ya nyengwa?

Omuntu ita vulu okweethapo omi-

na ye, oshoka omo ta hupu. Okwa mangwa ashike kuukule nokiilonga. Nenge pamwe owe mu tindila ombapila yegongalo?

Oku na yamwe ya kondwa, ihe Ombepo ote ya nyenganyengitha noya pumbwa okuyambulwa. Nenge gumwe a tegelelwa a holoke melelogongalo lyaandjawa, ihe nani okwa mangwa kiilonga mbika. Inamu ya tindila, ngele taa pula omakwatho kiinyanga.

Esiku eti-16 Iya Juli 1967 otwa gongala pongerki yawo mOkashana. Otwa popithathana nevangeli. Oya nyanyukilwa okugongala. Esiku ndyoka oya umbu ongalo, ya gu R1. 53 Oya ti na yi tuminwe moshikethatumo lyomUuzilo wOndonga. Oyo mboka ye li mefano.

## OSHIKOLOLO SHOMEGUMBO

### OMAVU NETILO LYAGO

Nale, omakota gomavu sho inaaga tseyika, aantu ya dhiladhila kutya, uuvu we etwa kuumpulile waantu yalwe, ya hala oku ya hepeka. Kashonana-kashona opwa dhimbululwa kutya, opu noombuto tadhi pendutha uuvu. Oombuto sho dha konakonwa, omi dhoku dhi kondjitha odha monikwa wo. Ngaashi uuvu wepunga wa sindwa. Oyendji taa pangithwa komiti etaa aluka nawa. Omavu gamwe haga etwa kuuzigo. Ngele tau dhimbululwa, onunipo, omuntu e shi kwiigame-na kuwo, nenge ta kongo omuti gwoku wu hanangula po. Ngaashi iikulya yomoondoha tayi vulu okweetela omuntu oshiponga, ondoha ngele ya yonuka. Uuzigo wondooha tau yi miikulya. Nena ito kongo onganga e ku pange, aawe, to ekelehi ashike ondooha ya yonuka.

Ashihe shoka inaashi tseyika nawa, otashi tilitha omuntu. Ihe oshili tayi tu mangulula.

Opu nomavu gamwe ga tseyika manga ethimbo efupi li vulike kepunga, omakota, gago. Ogo omavu giitiyanathigo. Ihe otaga konakonwa momavi ogendji ngaashi taga monika apehe muuyuni.

Ekota lyuuvu wiitiyanathigo tali vulu okukala momuntu, nando kee uuviteko manga uuvu washa. Mokonakona oondohotola taa dhimbululwa ashike etameko lyuuvu. Iindhindhiliki mbyoka yotango ngele tayi pangwa, omuntu ta aluka nawa, ihe onawa, ngele ta kala ethimbo ele kashona metonatelolo lyondohotola.

Omavu ngoka taga vulu okuhepeka ayehe, aakiintu naalumentu. Ihe omukiintu ngele ta ningi omusimba, nena uuvu mbuka wa li nale mehola-

mo, otau vulu okuholokapo, nenge ngele wa li uushona auke, tau gee. Pethimbo lyuusimba uudhigu wolutu lwomukulukadhi tau koko, nokanona ke li mela, tau u gwedhelwako natango. Iyekelwahi yokanona tayi yoololwa kiitiyanathigo yayina. Inima mbika ayihe tayi hepeke iitiyanathigo yomukulukadhi. Oyo ngele yi nuunkundi wonale, uuvu tau tameke okweeta iindhindhiliko yawo. Omeya agehe itaga yoololwa po, ihe gamwe taga gongalele molutu, nomuntu ta tameke okuzinda omolwasho. Oonzindo tadhi holoka miikaha, moshipala, nokomeho molutu aluhe. Aakonakoni taa dhimbululwa kutya, ethindakanombinzi lya londo, uudhigu wolutu wa koko nokweendelela nomasita mu na iikokotenge. Natango omuvu kee na uunene uuwehame. Ihe ngele ita pangwa nawa, ta tameke okweehama omutse nomompunda yiikulya, ta vulu okukunga noku na oshipwatagula, nomeho ga fa kage li nawa. Komeho tashi vulika ta kambuka nokwiikanyatela noyamwe taa si. Yamwe taa kambuka manga inaa vala, ihe yamwe konima yokuvala. Ngele konima yokuvala, okukambuka okufupi etaa godhipukwa mbala. Olwindji okanona taka hepekwa nosikulimwe otaka sile mela.

Omukulukadhi ngele ta tameke okuzinda, ota haluka mbala, oshoka ta dhiladhila oshaatu. Nongele e shi shi ina yona sha ye mwene, ta limbililwa oshithitikila, nenge ta tila uumpulile waantu yalwe. Etilo tali vulu oku mu thiminika oku ka kongakwatho lyonganga, nando omukriste nokuli. Eta nu omi dhonganga, a yande oshiponga aniwa. Ihe omi ndhoka dhi noonkondo tadhi vulu okuhepeka iitiyanathigo ye natango, eta kambuka ihe omolwiigwanga.

Oshinima shoka tashi vulika sha penduthwa nale kehalo lyokugamena aakulukadhi koluhondelo. Oshoopala okutila oluhondelo, omolwiipango yaKalunga. Ihe okutilitha aasimba komeho gaantu yalwe oyo epuko. Etilo lyo lyene tali dhigupalitha ashike okuvala.

1) Uuvu wiitiyanathigo u shi kupangwa, ngele omukulukadhi ta kongo eyakulo lyoondohotola kuye. Meko nakono lyaasimba iindhindhiliki yotango nookuli tayi dhimbululwa kaavalithi. Oyo ye shi shi okupanga uuvu mbuka ngaashi tashi pumbiwa, aandohotola opo ye li.

2) Epangulo olyaKalunga. Moohapu dhe inatu tseyithilwa, ta ka pangula ngiini aakulukadhi taa yono. Ye inahala, ya se omolwokukambuka pokuvala, aawe, Oye a hala omuyoni a mone ehupitho nokwiitedhulula. 1Tim.2:4

3) Koshipala shaKalunga oondjo dho ye itadhi dhimwa po nando, ngele to ki ipangitha koonganga. Otadhi kala po natango. Oku nomuti gumwe aguke, tagu pangitha oondjo, Kristus e gu na.

4) Ito vulu okuyanda egeelo lyaKalunga, ngele to kongo ehala li ili lyokuyona, nenge omusamane ta kambadhala okugalukila kegumbo pethimbo lyoopala. Omuwa ote ku mono.

5) Kalunga iha yoolola aantu. Oluhondelo olwo oshiponga komulumentu ngaashi komukiintu.

6) Otashi vulika kutya, omuntu nguka inaa yona oshipango oshitihamano ta kambuka pokuvala eta si.

7) Kalunga e noonkondo dhokugamena omuntu kiiponga ayihe. Omapulo kombinga yoshinima shika taga yamukulwa mOnandjokwe, ngele wa hala okupula nokunyola.

Greta Airaksinen.

### OFYE NGAHO NE HATU KALA PO?

Omukwaneongalo lEngela u li mo-wambo, kOushimha ile muRepublika, ile keshe tuu moilongo yoindele, owa uda tuu kutya, eongalo lEngela ola hala okutunga ongerki ipe yakula? Ngenge i tungwe needopi diwa noipeleki. Etungo otali pula oimaliwa ihapu. Ohatu ku dimbulukifa noku ku shiivifila noku ku indila, u tale eshi to dulu u kwafe metungo eli.

Omaongalo amwe okwa findana nokuli nale momatungo avo. Fyeni o-vangela ofye ngo hatu shaalapo? Tu yeni meendjato detu tu fikamifeni ongerki yetweni. Naave omukwetu keshe to leshe eedjovo edi nande ku fi Omungela, tu kwafela yo. MEngela hamu yakulwa ovanhu vongerki aische, onghe ekwafelo loye otali fimanekwa unene. Paulus ta ti: Ashishe tamu shi longo, shi longeleni Kalunga hamunhu. Kol.3:23.

Filippus A. Nakanue.

### OMUPANGULI MUPE PONGE YAMUKWAWO

Omupanguli J.F. Ludorf, okwa popiwa oye ta pangula ovalumenhu 37 ovalaule ovo va kwatwa muSuidwes nde va teelela epangulo. Ludorf oye a tulwapo ponhele yomupanguli J. de Vos, ou a fya fimbo efiku leemhangula la li la fika muPretoria.

Ovapangulwa ove na po ongudu yooahende voku va popila moshipofa osho.


# OSHIKOLOLO SHAAGUNDJUKA

## Esiku lyevalo lyAakongi-ndjilamati mongerki onkwaELOK

Eti-5 lyaJuli 1967

Momimvo okuza 1953 - 1955 omusamane E. Hynonen a tameke oshilonga muumati mEngela, okwa gongela uumati wegongalo, ihe ka sha li Uukongindjila wowene. Sigo olwopomimvo 1958 pethimbo ndyoka Uukongindjila wa tamekwa moseminali mOngwediva kuHatakka naamboka ya li ya uvaneke aashona yowala.

Omusamane P. Laukkanen (Mbeletanga) sho e ya, okwa tsikile oshilonga shUukongindjila omumvo 1961. Oongundu mbali dha uvaneke yimwe mEngela nayimwe kOntanda yokukunene. Ihe nando ongaaka euvaneke ndyoka olya li lya kolekwa kongerki ashike. Ano inali pewa oonkondo kepangelo lyEhangano lyAakongindjila yomuSuid-Afrika.



Omukongindjila Max nomusamane Kervinen otaa monika mefano

Osha kala ngaaka sigo ethimbo lya thiki, sho epangelo lyEhangano lyAakongindjila yomuSuid-Afrika, lya koleke oshilonga shUukongindjila: Ano sha nyolelwa momambo. Nokuli osha tseyika moombelewa oonene, nomundjika yomuSuid-Afrika, muJohannesburg nokomuwiliki omukuluntu gwayo. Moka mwa ziminwa omulongi E. Kervinen mOngwediva a kale omuwiliki gwongundu yotango yoshilonga shika mongerki ayihe onkwaELOK. Ombelewa onene yomuWindhoek ya zimine nepandulo oshilonga shika shi tsikile mokati kAawambo, ngaashi wo mokati kaavalelwamo aakwawo yomuSuidwes-Afrika.

### EDHIKO

Esiku eti-5 lyaJuli 1967, otali ningi esiku lya simana mehistori lyAakongindjilamati Aawambo. Oshoka esiku ndyoka Uukongindjila wa ningi wopapangelo. Omuwiliki omukuluntu P. Laukkanen nomuwiliki gwoshilonga E. Kervinen nomuwiliki gwAakongindjila Aasoomi J. Olantelä nomukuluntu-



Aawiliki Mbeletanga naKervinen otaa kundathana naamati

tumwa A. Eirola; pamwe nongundu yAakongindjila aape H. Dengeinge, M. Iilonga, T. Ngula, T. Shigwedha, omulongwa kOngwediva Paulus, aakongindjilamati yatate Eirola, Esa naMartti nomusita gwaagundjuka mUushimba G. Max, ya dhike epandela lyAakongindjila, ndyoka tali ka kala noku-yeluthwa aluhe montanda yAakongindjilamati.

Ehistori lyAakongindjila ayehe yomuuyuni lya leshwa kOmukongindjila omukuluuntu A. Eirola nokwa holola wo ngeyi kutya: Aakongindjilamati Aawambo ya thiki nokuli ngashingeyi muumwayinathana nAakongindjila ayehe yomuuyuni auhe.

Mongerki mOupundi otwa ningilwa wo otundimbibeli kutate A. Eirola, ndjoka ye tu ulukile nkee Omuwa Jesus oye wo omukongindjila naamboka ye mu landula oyo aakongindjila. Tse wo otu na okweenda nondjila oyo tuu ndjika.

Ongula kehe otwa ningilwa owandaha pokapale kepandela nomanga inaatu ya kowandaha, epandela lya yeluthwa neimbilo lyuukwashigwana 489 mEhangano lyi imbwa.

Endelela ano omumati kehe, owa tegelelwa mehangano lyAakongindjilamati. Omulongi E. Kervinen ota ka tsikila okwiithana aakongindjila mOngwediva momathimbo gu uthwa. Omuwa Jesus na kale omuwiliki gwoshilonga shika mongerki yetu nomoshigwana shAawambo!

Peha lyaakongindjilamati,  
T. Shigwedha.

### DULIKA KEHALO LAKALUNGA

Taku popiwa oshitya, "eehenokomesho." Okweehena komesho miinima iwa, osho otashi pumbiwa. Ndele ne okweehena komesho moinima ii, otashi shundula nde tashi twala fiyo omekaneno.

Ove ou li meeheno lilipi? Oleli tali ti-ohai ku tu ile oleli tali ti-ame otyoty? Efa ombwada noukolokoshi. Angala oyo aishe ya nyata nde tai ku kanififa. Longa oilonga ya wapalela Kalunga novakweni moukumwe u na ombili.

S.M.Hikupulwa.

## OSKOLA YAAVALITHIP ANGI MONANDJOKWE

Otayi taamba aalongwa aape.

Aakadhona mboka ya pita "Junior Sertifikaat" taa tameke esiku 2 Januari 1968 notayi ka kalwa omimvo mbali netata.

Aayakupangi ya piti ekonakono lya "S.A. Verpleegsters Raad" naakadhona ya pita "Matriek" taa tameke esiku 1 Febuluali 1968 notaa kala omimvo mbali.

Aalongwa taa ka longwa mOshiafrikaansa nomakonakono ga "S. A. Verpleegsters Raad" taga nyolwa wo melaka ndyoka.

Ayehe mboka ya hala okutameka oskola naa tume oombapila dhawo kOnandjokwe manga esiku 1 Desemba 1967 inaali thika.

Kehe gumwe tuma:

1. Ombapila yeindilo lyoye mwene.
2. Onzapo yegongalo.
3. Onzapo yahuginina yoskola. (St. VIII, Junior Sert. nenge Matriek).
4. Epopilo lyomukuluntu gwonasaresa nenge oskola moka e li.
5. Onzapo yuukolele.

Oshilonga shika oshinene noshidhigu ihe "Waa kambadhala ku sindi."

Omukuluntu gwoskola.

## OVALAULE 50 VA WILWA KOMINA

Okwa kundana kutya, ovalaelu 50 ova fya va wilwa komina omo va li mo tava longo muSuid-Afrika.

## OSHIGONGI SHOMBIMBELI MURUSTENBURG



Aapeha yoongerki muSuidelike Afrika, oya gongalele moshigongi shOmbimbeli, moka mwa li wo aatumwa yongerki yetu. Amakutuua a nyola nkene aantu yomihoko haa tumbula Kalunga momalaka gawo ngaashi tashi landula mpa: Mudzimu, oKalunga, Mudimu, oTshikwembu, Thixo, onkulunkumba, Jehova, Nkulunkulu.



Mbimbel' embo lya tate,  
Embo tali nyanyudha,  
Nde li kumwa te ti te,  
Embo tali tundudha.

Muka melundululo Mbimbeli momalakamutima gu udh' ondigolo Mwenyo tagu kakuka.

← lilyo yongerki yetu omo ya li mOshigongi

### WELWITSCHIA

Omwevangeliste Abisai Hamushila, ou a kala kuWelwitschia kOutjo, a djako paife eshi kwa tembukiwa, ote tu kundu ngaha:

Welwitschia olo epya longhokola yaM. Hauuanga. Opo mokuhenyanga a tembukamo. Ovanamatwi va uda eputu olo nde tave tu nyoteleko. Mokafimbo otu wete eshi tu li moshitotwalongo Welwitschia.

Mepya kamwa li nande oshimhungu shimwe, eshi twa hovela ohenyanga. Ohenyanga oyo oshilonga shidjuu, omufuko a pewa efungu okatana. Moshilongo kamu na nande Ovawambo, apa to hange Omuwambo omofaalama amuke. Onda kupulwa okafangufangu. Inandi ulikilwa nande ondjila ame inandi shiiva ondi nokuyuka peni, otwa enda ashike omupolo washimbungu, eefaalama odi li ko dihapu neenghono.

Welwitschia oshi li kOutjo waNepando. Otwa mona oudjuu mokulonga meefaalama edi. Dimwe odovasheki dimwe odovadipai nadimwe inandi tambulwamo, nge nda hala okuyamo. Ofuka yOutjo oyaMukolonde, omo mu na omona woshipuka, okudja komhanda oyo ihe na onheni fiyo oilyani aisheshe yomaludi.

Shatekapo. Welwitschia paife osha ninga eputu. Eefaalama da tembuka omolwa Odendaalplan. Fye otwa fiwapo atuke hatu tu eenyanyo. Otwa djako, twa finda kOhalushu oko twa dileko. Otwa kala noudjuu moshilongo eshi. Kamu na eyakulo. Ofikola kaimo, oshipangelo kashimo. Omuteengi ou owa kala we tu djuupalela meuyemo fiyo omedjemo letu. Kalunga na hambelelwe, eshi e tu humbata mokuyamo fiyo etu humbata mokudjamo kwetu. Aishe ohatu i yandje meke laye.

Omwevangeliste Abisai Hamushila.

### NANGAME OMO NDA LI

Esiku eti-25 Juni 1976, mOshaanda mwa ningwa oshituthi shetaambo lyombimbeli yOshinama. Egongalo alihe lya gongalele. Oongundu dhAatakumi. Aaherero nAawambo dha matukile mongerki. Omatanga ga imba oondjimo, unene Aatakumi.

Koaltari kwa tulwa oombimbeli melandulathano, dha fa okangulu ka tungwa. Kombanda yombimbeli kehe

kwa nyolwa mOshinama etumbulo "ELOB MIS" tashi ti ohapu yaKalunga. Oombimbeli 200 dha li koaltari.

Omuhongi G.Sondermann gwo-mOshaanda a kundu egongalo noohapu ndhika "Esiku olyo tuu ndika Omuwa kwe li ningi, tu imbeni pombanda tu mu nyanyukilwe." Meuvitho lye a ti: "Nena otu noshituthi shombimbeli mOshinama. Tu nyanyukweni pamwe nAakwena ngaashi Paulus ta ti: Nyanyukweni naanyanyukwi.

Gumwe a tumbula: "Ila u tale

iilonga yaKalunga e yi tu ningile tse aavalelwamo yaSuidwes. Otu na ngashingeyi Ombimbeli momalaka gaali gaavalelwamo yOshindonga nOshinama. Otatu tegelele natango mOshikwanyama, Oshikavango nOshihherero mu holoke wo Ombimbeli ayihe. Oshituthi sha li shu udha enyanyu. Aapopi yomaakuluntugongalo ya kumagidha egongalo nomahambelesho. Oshituthi osha tsikilwa moomwenyo komagumbo.

Stefanus Mvula.

# OUNYUNI OTAU TONGO SHIKE

## 11 VA FYA MESHITA-MBO MUTRANSVAAL

Oshiningwanima osha li shihalukifa

Eembaatili 11- ovakainhu 7, ovalumenhu 2 nounona 2- ova fya, oshihauto omo va li èshi she lindenga mumwe nololi yofulaha ponhopa yokuya kuVentersdorp. Ovalaule vatatu ova ehamekwa yo poshiponga osho.

## OVAKAVANGO TAVA I MOREPUBLIKA

Ongudu yovalaule, vomOkavango naCaprivi, omalenga neehamba novapiya, kumwe novalongi 13, aveshe kumwe 22, otava i moRepublika okutameka 23-31.8.1967 nde otava talelepo yo Transkei.

Eshiiivifo ola ningwa koministeli yeehenokomesho muPretoria. Oindele itano otai ende pamwe navo. Otava talelepo eenhele neenhele nde efiku eti-31 Aguste otava di muPretoria nokuya muRuntu mOkavango nomuKatima Mulilo muCaprivi mealuko lavo.

## Ebandela epe

Epagelo lyaSuid-Afrika otali konakona efaneko kutya, pu ningwe ebandela epe lyepagelo ekulu li ze po. Omusamane Vorster okwa popi kutya, aakwashigwana ngele oya hala ebandela epe, otaye li mono pwaa na uudhigu.

## YA SI KIHKULYA YUUZIGO

Dacca (Pakistan).- Aantu yahetatu oya si kiikulya yi na uuzigo. Aantu 58 ya li iikulya mbyoka yi na uuzigo, ihe yahetatu oya si manga ooyakwawo ya kwathwa koondohotola.

## EPUKULULO

Ngenge to tumu oshinyolwa shoye wa hala shi tulwe mOmukwetu ile mEhangano, tumbula yo mombapila yoye neindilo kutya, oshinyolwa owa hala shi tulwe moshifo shongadi. Oinyolwa ihapu tai uya nde fye itatu shiiva kutya, omunyoli okwa hala shike noshinyolwa shaye, osheshi inapa hololwa omolwashike a tuma oshinyolwa. Unene ovanyoli ovadalelwamo tambuleni epukululo olo.

## OVO VA TEELELA EPANGULO

Pretoria.- Moshifo "The Windhoek Advertiser" shaWindhoek sheti-8.8.1967 epandja eti-2, omwa hololwa OMADINA ovapangulwa 37, ovo va teelela epangulo eshi va kwatwa muSuidwes. Omadina oo a tumbulwa otaa shikula apa ngaha:

Elieser Tuhadeleni, Johannes Otto Nankudhu, Simeon Shixungileni, Julius Israel Shilongo, Lazarus Zachariah, David Hamunime Shimwefeleni, Joseph Helao Shityuvete, Eino Kamati Ekanjo, Festus Nehale, Ngidipo Jesaja Haufiku, Immanuel Augustus Shifidi, Kaleb Tjipahura, Rudolf Kadhikwa, Abel Haluteni, Betuel Nuunjango, Michael Ifingilwa Moses, Matias Elia Kanyuele, Malakia Shivute Ushona, Johannes Samuel Shiponeni, Petrus Kamati, Immanuel Gottlieb, Nathanael Machuiriri, Johannes Guaniipupu Otto, Jason Daniel Mtumbulua, Toivo Herman yaToivo, Matheus Joseph, Jonas Nashivela Nathanael Lot Homateni, Phillemon Shitilifa, Simeon Namunganga Hamulemo, Shinima Nailenge, Ndaula Tshaningua, Sakeus Philippus Itika, Ephraim Kamati Kaporo, Simeon Ipinge Iputa, Naftali Amungulu, Petrus Simon Nilenge, Rehabeam Olavia Nambinga.

## 15,000 OYA SA NALE

Saigon.- Okwa kundanwa muSaigon kutya: Aamerika mboka ya sile miita yaVietnam moomvula hama-no dha piti, oya konda nale omayuvi omulongo nagatano.

## OSHIWILO SHETUMO SHA DANWA MOKAHANDJA

Ongerki onghwaevangeli muSuidwes (Rynse Sending Kerk), oya dana oshivilo shayo shinene shokuhambelela Kalunga eshi ya longa paife omido 125 muSuidwes. Oshivilo osha danwa mOkahandja eti-7-9/8/67. Oyo ya ningwa moshivilo oyo: omaimbilo omatanga, omaudifo nomapopifo, oiningomwa yovanyasha, omaudano nomaimbulo opashiwana.

Ovanhu ve dule 2,000, va dja keembinga neembinga muSuidwes novomaluvula, ova kala moshivilo. Ovapopi ovalaule ile ovatilyane vokeembi-

EWI

LYEVANGELI

MORADIO

Otundi 8.30 ongulohi

Ometa 31.

17.9.1967

Okulesha Ombimbeli nomaimbilo

24.9.1967 Omaimbilo,

Otundimbimbeli ya J. Mufeti.

15.10.67 Elia Haipinge kOlupandu na Gerson Max.

22.10.67 Evangelis Simon Namunyekwa



## OMUSHAMANE DONGES

Omupresidente waSuid-Afrika ou a hoololwa a landule omushamane Swart moshilonga, ndele ina hovela oilonga omolwoudu we mu kwata nde a hakulwa moshipangelo efimbo, paife okwa kala nawa vati. Ashike pe na omalimbililo kutya, ota ka dula mbelatu okuhovela oilonga oyo youpresidente, ile pe nokukongelwa omunhu ponhele yaye. Omushamane Naudé oye ta yakula manga moilonga youpresidente.

## OSHIKUNGULU MUVENEZUELA

Kwa kundanwa oshikungulu oshinene sha kungulula muVenezuela. Aantu yamwe ya si nayamwe ya thigwa powala sho omagumbo gawo ga yonwapo koshikungulu. Iimuna niinamwenyo oyindji ya si moshikungulu shoka.

nga neembinga. Moshivilo omwa li ovaponhele vatatu vometumo lomu-Duitsland.

Oshondaha omuwilikingerki Otto Milk, omubishofi Auala nomushamane S. von Bach, ova popifa ovakwashivilo. Oshivilo osha danwa nehafo linene nongerki ya hambelela Kalunga eshi a longa oilonga inene muSuidwes mokati komihoko dovalaule novatilyane.

Oshiiimati shiwa osha holoka yo:

Fimbo ongerki ya dana oshivilo sheedula 125, oya hololapo yo embo line ledina VAN SENDING TOT KERK mOshiafrikaansa lomafano nde omo mwa hokololwa ehistori alishe lomwamengerki. Ola nyolwa nawa. Ngenge owe li hala, udafana nOstora yOmambo mOniipa. Kalunga na hambelelwe.

## OMUNAHAMBO


“Neudo oshilongo oshi li tuu na-wa noimuna?” omunahambo a pulwa. “Neudo otaku kala oukumba weengobe. Ame dange neudo ohandi di twala kokule. Onda hala ndi di findikile fimbo kutalala.”

“Nye ohamu pange naanaa peni tatekulu?” – “Ame unene ondi hole kEkonghola, Ombuumbuu nokOkayoka.” Omushamane omunahambo, Mwalyombu, okwa li ta twala eengobe daye ketambi. Mokunwefa okwa tanga ohove yaye imwe ngaha:

Wangongololo wa nyalukuwa Ka-

pweya, Kapweya ita tomwa pokandjala, shapo opefete ovanhu inava lya ngoo nande, mungoba olo la tuka nokumya. Haipatula yeembwidi koluvanda, eshi ya dja mofuka odimbu yi uye i dimbuke komaluvanda ova-shamane.

Mbabi yaNauxwe yaNakateta Munhale yaPolombi Hauwanga. Ya telekelwa pOhenda pokaumbo kaha-mudala malenga. Ya pukulul' osheendo shOvakwaluudi kombinga, shovakwanghala momudimbi, shimwe momupapa shimwe momushii.



Omunahambo e li novana, oxupa, eholo, ombao noiti yaye

## KAVANDJE TA KENGELELE SHIPOFI

Shipofi okaana kaShimbungu. Shimbungu vo nomona Shipofi ovali ta-va taataa Kavandje va hala ve mu kwate ve mu denge, shashi okwe va longela oilonga yanyata. Kavandje okwa fadukapo nde ka londa komuti mule. Shimbungu vo nomona va shikula ekasha laKavandje fiyo opomuti nde va mona kutya, Kavandje okuli pombada komuti. Shimbungu nomona inava shiiva okulonda komuti, onghe va tokola omuti ve u kepo, ashike kava li nekuva.

“Handi uya ndi kakonge ekuva pomaumbo opoushiinda, fimbo ove to keelele Kavandje aha djeko komuti,” osho Shimbungu a lombwela okamona nde okwa ya.

Fimbo Shimbungu a ya, Kavandje okwa konga onduge. Okwa shiiva kutya, okaana Shipofi oke kwe-tiwe kondjala. Onghe a hovela oku-nyangusha mokule; a fa ena eshi ta li. Shipofi okwa pula Kavandje, “Oshike to li Kavandje? Penge yo eshi to li ond' kwetiwe kondjala.” Kavandje ta ti: “Ame ohandi li omahola nde itandi e ku pe, osheshi nye naxo omwa hala okudipaa nge.” “Meno-ve penge yo omahola,” Shipofi a indila vali.

Kavandje okwa lombwela Shipofi ta ti: “Inda u ka tale epeta komuti winya u li kokule kwinya omo ndi ku tulile omahola.” Shipofi ta fefengwa ku “nakaidi kaHalwenya, Nashoonga hai tu omupumha, ou e no-shiveta ke fi wayo” nde ta tondoka

## OU HOLE TUU OMUSHITI GOYE?

Omuleshi omukwetu, otwa lesa oonkondo dhohole opendji. Ohole ngele ya kutha omuntu ponkatu a li po, ita nyonyolapo we. Ongeso hali kutha omuntu kombanda yevi ndele ita lyatako we.

Ngele tu hole sha shomiishitwa komeho gokuholo Kalunga, nena otse aatondi yaKalunga. Ihe ngele tatu tondo nokudhina Kalunga, oye ta geele omayonagulo sigo oluvalo olutiyovi. Mboka taa dhiginine iipango ye, ote ya silohenda sigo oluvalo lwa-wo lwomapipi ogendji.

Otu hole shike muuyuni mbuka wepiyagano? Otatu longo shike ngashingeyi? Tu ipuleni mutse mwi, tu uve kutya, ohole ndjoka tu na oyini. Dhiladhila Omushiti gwoye.

Lukas Jafet.

*Kaino D. Ndinoshiho, Tshandi*, ota nyola ngeyi: Ombili yokomwenyo oya pumba. Aashiinda yaali ohaa paathana tuu omahoka ngonale? Oto adha tuu aakadhona yopomukunda taa tsu taa thitha? Aashiinda oya kwatathana tuu? Gumwe ta endagula. Nena to mu adha mpaka ngula ompeyaka. Hela oye ngwiya mpe. Ota kongo shike? Ombili yokomwenyo ou yi na? A, oya pumba.

Ombili yokomwenyo oto yi mono uuna to lombwelwa: Inda nombili, ondjo dhoye odha dhimwa po.

a ka tale epeta. Fimbo Shipofi ta ka tala epeta, Kavandje komuti okwa londolokako nde ta fadukapo ta ka hondama kokulekule.

Shipofi eshi a aluka, okwa hanga komuti taku ti etelela. Opo Shimbungu okwe uya nde a kumwa eshi a mona kutya, Kavandje okwa fadukapo. “Shipofi, wa nyika oulai, Kavandje owe mu efa?” – Shipofi: Aayee, sha ti sha ti.

Osho omutondi satana ota nyangusha neenghono pefimbo eli longolo ya tana, efimbo eli loshuuka ya tana. Ota nyangusha te tu hekaheka. Ou ta pwilikine kuye, ota kengelelwa kuye. U shi ote ku pe omahola? Nandenande. Satana ta hekaheka pamikalo dihapu nde a hala okukanifila moheli. Lungamena omahekaheko aye.

“OMUKWETU” oha zi mOniipa. – Omukuluntu gwoshifo/ Hoofredakteur: Omumbisofi Leonard Auala, amushanga gwoshifo/ Redakteur: Leonard M. Shemuvalula, Oniipa, Pk. Ondangwa. – Ondando komumvo mOwambo 60c, mUushimba nOkavango 80c. Oofuto nomambestelo naga tumwe kOmukwetu, Oniipa, Pk. Ondangwa. – Moka hashi nyanyangidhwa: FINSE SENDINGDRUKERY, OVAMBOLAND, S.W.A.